

ኦይትምስባብ ጳውሎስታ ክታ ቲቶካንታ ኦርድንታ

ቲቶ ጋይምድባብና ኦይሁድማታክሳ ይ ዐቃንደታርንካ ፈንክ ክርስቶሳር ማቕባብ ክት ማድንካ ጳውሎስም ክላ ኬዘንታ ፍክሰንም ቅንቕካ ኣሌንም ኣልድባብ ኖ ላኮይት ዐቁ፥ ጳውሎስ ኮም ክቴንም ክት ጸፍሳንዳ ኣጥርካ ክታዘንካ ቡር ማቕባብ ኮትኮ ፍክሰንካንታ ይንታ ላኮይት ቲቶካንታ ማድንካ ቲቶሪ ኮትዐይካ ምክሰ ኤሄንታ ፍክሰን ፍክሰሰር ሎቀንታ ዎክናር ዐፈርድን ቀርጤስ ደንነዘን ዐቁ። ክታ ክቴነረ ማለካ ኬዘድንዳ ማኬን ዝግዝድን ሪንከዘኔ።

ከታርንካ ዋልቀና፥ ምክሰ ኤሄናር ጎርሰንባብከሰ ኣብነከዘንከረ ሎቀንታ ዎክናር ዶቅድን ቀርጤስ ደንነዘን ኤድንከሰ ዳቅል ከታ ፍክሰንጎካ ዐስግንዳ ፍክሰ ከታ ደቅዘግዘዳናንከረ ቲቶካንታ ኖ ገቀሰዝዴ፥ ቃስትምሰና፥ ምክሰ ኤሄናር ዐፈርድባብከሰም ዐክዐክካ ፋሰምሰባብከሰም ጋይንትነረ ዶንጀርሳን ኦኅነንክሰምኬ ማነንከሰም፥ ኮትኮግንደረ ማርንድ ኦኅና ይንቕንከሰምኬ ሳብታ ፍግዝድባብከሰም ዐስግንዳ ኤሰሰ ክትም ዝግዝዳናንከረ ቲቶም ዞርዴ፥ ማክምሰነረ ክርስቶሳር ማቕባብከሰታ ፍክሰንጎካ ሰግሰሰረ ሳራትቼካ ሱሰምካ ደቅንተንጎካ፥ ኮትኮግንደረ ምክሰ ኤሄናር ዋጭመም፥ ቤርምምኬ ፋሰምም ነግሰጎካ፥ ቲቶካንታ ዞረኬ ክቴንም ክትካንታ እምዴ።

ማጻፍን ኮትኮታ ሙዳ የድንተና

ኦርድንታ (1:1-4)

ምክሰ ኤሄናር ጎርሰንባብከሰ (1:5-16)

ምክሰ ኤሄናር ዐክዐክካ ፍክሰንዘን ዶቅድባብከሰታ ፍክሰንታ

የቕና (2:1-15)

ዞረኬ ኤግዝምሰካ (3:1-11)

በእንታ (3:12-15)

¹ ሳብታ ፍክሰንባብኬ የሱሰ ክርስቶስታ ኦይትምስባብ፥ ሳብ እጃን ኤድንከሰም ዛብሰካንተኬ ኣሜንናር ዶቅድንደትም

በድሶ ኤዘድባብ ከት ማተርንግንዳ ደርምሰባብ ጳውሎስደርንካ ኦይትምሳንዳ፤

² ኮነረ አሜንና ሰለንክንደታ ደቅንት ጉርምንታዘን የድምሳንዳ፤ ማልዳክን ሳብና ኮም ደቅንትን እምካንታ በድ ሰለታ እሪ ጉርም ቃለን ዎካንታ ኬዜ።

³ ሰለነረ የልሳን ዐይካ ዎንታ አቅሰንባብ ሳብታ ክቴንም እ ኬዘድንግንዳ እካንታ እመርሳን ዋደንኅካ ሳብ ይንታ ቃለን መያ ማሰሴ።

⁴ ዎንታ የካ ማቻን አሜንካ ዶፈንካ እስታ ይንቺ ማቼባብ ቲቶካንታ፤

ሳብ ባቤንዘንኬ ዎንታ አቅሰንባብ የሱስ ክርስቶስዘንካ ዉቕ እምንተንኬ ሳራትቼንካ የሰካንታ ማታ።

ቲቶታ ፍክስ ቀርጤሳር

⁵ እ የሰም ቀርጤስ ፍጨናር ዛቅሳንደረ ኡራክንደትም የሰ ኡርዝድንግንደኬ የሰም እ ክትሳንግንዳ ምክስ ኤሄንታ ጋልተንከሰም ካተመንከሳር የሰ ዶርድንግንዳ።

⁶ ምክስ ኤሄንታ ጋልተና ይንኤርምዳክባብኬ ዋልቃ ኤተንታ ክእስ ማቼባብ፤ አይተር ማትንተኬ ክትምክሳ ነግንታኅካ ከታዘን ኬዘምምዳክባብከስ እነረ አሜንድን ይንቕ ክታ ዶቅድባብ ኤድ ማት ክትም ዝግዝዳ።

⁷ ኤጵስ ቆጵስ ጋይንትና “ምክስ ኤሄናር ጎርሰንባብ” ሳብታ ፍክሰን ዋደካ ተይባብ ማቻንኦል ይንኤርምዳክባብ ማት ዝግዝዳ፤ ኮትኮግንደረ ይካቕካ ሰካይባብ ሳካ ዋጭዳክባብ፤ ጎዘዳክባብ፤ ኤድካ ቲቺ ማዳክባብ፤ ብራካንታ ጭጭዳክባብ ማት ዝግዝዳ።

⁸ ሰግሰሶ ሶቕ ሞግድባብ፤ ኡርማ ማቻን ሪም ሶልምድባብ፤ ይንታ ማተንም ቆልድድባብ፤ ሪ ሙደንካ ሉላ ማቼባብ፤ ሳብታ ፍክሰካንታ ፋሰምሰባብ፤ ይንታ እምንተንከካ ገጅድባብ ማታ።

⁹ ዶፈን ኤሰሰን ኤሰካ ዘራካንተኬ ግርድባብከሰታ ገቅርን ኬዘት ማሰካንታ ማተርንግንዳ ይ ኤሳንግንደካ አሜንዘድን ቃለካ ዳቃ።

¹⁰ በድ ኤድንከስ ሰግሰሰረ አይሁድንከሰታ ገርና ማቼባብከስ አጻና ይንቕንታ ሶለን ተቕንታ ዎገንም

ጎርሰምድባብከሰ፡ ክትምዳክባብከሰ ወቕኩን እፈርድባብከሰኬ ገሰዝድባብከሰ ደቅደኬ።

¹¹ ከትኬና ኤድንከሰም ጫምሳ ይሰ ዝግዝዳ፡ ከተረ ከትም ኦሰንዝድን ሰባመንም **ዐፍካንታ** ዝግዝዳክን ሪም ኤሰሰረኮ ኤሀ ኤድንከሰም ሙዳ አዉልሰዝደኬ።

¹² ከታርንካ ዋልቀና ከትካንታ ሳብዘንካ ኤሰርሶ ኬዝድባብ “ቀርጤስ ፍጨናር ኤድንከሰ ሙዳዐይካ ካርከንባብከሰ፡ ደቅል ባቕርንከሰ፡ ፍክሰ ፍግዝዳክባብከሰኬ ዘይምባብከሰኬ” ጋይቲ።

¹³ ኮነረ ማርክርና ዶፊኔ፡ ኮካንታ ዝግዝድን እሚን ከትካንታ ደቅድንግንዳ ከትኬ ኤድን **ዐገን** **ዐካ**።

¹⁴ እይሁድንታ **ዐይሰን** ከት ጎርሰምዳክንግንደኬ ዶፊንን ግርድን ኤድንከሰታ ክቲንም ከት ኤሰርዳክንግንዳ ደቅመካ ከትም **ዐገን** **ዐካ**።

¹⁵ ጭለጭልንከሰካንታ ሙዳ ሪና ጭለጭሌ፡ ቱንንከሰካንተኬ እሚንዳክን ኤድንከሰካንታ ማቼ ጭለጭል ማቻን ሪ **ዐራራየረ** ካዬ፡ ኮትኮግንደረ ኬታ ማክቼነረ ማታ ኬታ ገቅርነረ ቱንሳንዴ።

¹⁶ “ሳብም ኤዝዶቲ” ጋይደኬ፡ ከታ ይንታ ፍክሰንካ ማቼ ክትም ካደኬ፡ ከተረ ይንኤእርዝድባብከሰ፡ ክትምዳክባብከሰኬ **ዐረነረ** ኡርማ ፍክሰ ፍግዝዳክባብከሰኬ።

2

ኡርማ ኤሰሰኬ ኡርማ ደቅንት

¹ የና ማቼ ደቅንት **ዐፈርድን** ኤሰሰን ኤሰሰካ፡

² ጋልተርሳን እግንንከሰም፡ ይካንታ እምምሳንከካ ደቅድባብከሰም፡ ኬታ ይንታ ቦንቹን ካርዝድባብከሰም፡ ይንታ ማተንም ካርሰምድባብከሰ፡ እሚንኬ ሶልመካ ዳንዳእንከረ ኡርማ ከት ማድንግንዳ ከትም ዞርካ።

³ ኮትኮግንደረ ጋልተርሳን ማንንከሰም ኬታ ይንታ እዘንካ ቦንቹምሰባብ ማድንግንዳ ዳት ካሪ ኬዛእንግድባብከ፡ ዋጭምም ዘይምድባብከሰ ከት ማተራክንግንዳ ኡርማ ኤሰሰን ከት ኤሰዝድንግንዳ ከትም ዞርካ።

⁴ ኮትኮግንደር ማና ይንቹንከሰ ከታ ይንታ ክእሰንከሰምኬ ከታ ይንታ ይንቹን ከት ሶልምድንግንዳ፡

⁵ ማታ ይንታ ካርዝድባብከሰከ ጭለጭልንከሰ፡ ላቅምንከሰ፡ ይንታ ክእሰንከሰካንተረ ክትምድባብከሰ ከት ማድንግንዳ

ከትም ከት ኤሰሳ። ኮመረ ከት ይድንዳ ሳብታ ቃለና ይንኤርምዳክንግንዴ።

⁶ ኮግንደረ ሰከን እግንንክስ ይንታ ማተንም ገችካ ከት ደቃባብ ከትም ዞርካ።

⁷ የነረ ኡርማ ማቻንደትም ይየረዮ ሙዳ ሪካ ካምስ ከትካንታ ማትካ፤ ኤሰሰርድንደትከረ ደፈንንም፤ ኡርማ ይተንመረ ሰችሰካ።

⁸ ይንኤርምዳክን ኡርማ ኬዘም ከትካንታ መያ ማሰካ፤ ኮግንደንካ ግርድባብከሰና ዋንታዘን ከት ኬዘተርንዳ ዳቅል ሪ ካይዳንደትካ ኦሰንደኬ።

⁹ ፍክሰንባብከሰረ ከታ ማታቆልሰባብከሰካንታ ከት ክትምድንግንዳ፤ ሙዳ ሪከረ ከትም ከት ጉርምዘድንግንዳ፤ ዳቅል ኬዘካ ከትካንታ ማዘዳክንግንዳ፤

¹⁰ ኬታ ብረንመረ ከት ድባይንግንዳ ዞርካ፤ ሰግሰሶ ዋንታ እቅሰንባብ ሳብታ ኤሰሰንም ሙዳ ሪካ ቦንችምድንግንዳ ሙዳባይካ ቦድማ እማንምን ከት ሰቻ።

¹¹ ሳብ ኤድም ይ ፋችተርንደትም ዉች ይንታ እምንተን ሙደንካንተረ መያ ማሰቲ።

¹² ኮነረ ዉች እምንተና ካደርድንደትምኬ ዋሄታ እንግርንም ዛቅንተካ ማተን ይንታ ገችካ ሉላ ማቻንደትኬ እያናር ኮ ፍጫሙደንዘን ዋ ደቃባብ ዋም ኤሰዘዴ።

¹³ ኮግንደካ እንጀምሳን ዋንታ ባድን ጉርምን ኮትግንደረ ዋንታ እንድር ሳብና፤ ዋንታ እቅሰንባብ የሱሰ ክርሰቶሰ ቦንቹካ መያ ክታ ማትንተን ዋታ ካርዘደቲ።

¹⁴ ክርሰቶሰ ባች ሙደናርንካ ዋም እቅሰካንተኬ ኡርማ ፍክሰን ፍክሰካንታ ዳቅሰባብከሰኬ ክትካንታ ፋሰምሰባብ ጭል ዋርሳ ዋ ማተርንግንዳ ዋም ኡርሰካንታ ጋይሶ ይንታ ማተን ሰክሰትዮ እምሴ።

¹⁵ ይና ከትኬና ሪንከሰም ኤሰሰካ፤ ሙዳ የሰታ ገችንታ ኤረንካ ዞርካ፤ ዋጭካ፤ ባየንረ የሰም ባይቶቻ።

3

ኡርማ ማቻን ፍክሰ

1 ኤድንከሰ ሙዳ ከትም ቆልድባብከሰካንተኬ ኤረካ ገችዝድባብከሰካንተረ ይርክንጋይሶ ከት ክትምድንግንዳ፥ ኡርማ ፍክሰን ሙዳ ፍክሰካንታ ግግምሰባብ ከት ማተርንግንዳ፥

2 ዐየንዘነረ ዳቅልር ከት ኬዝዳክንግንዳ ከትም ገቀርሰካ፥ ሰግሰሶ ኤድካ ክክን ዋጭምዳክባብኬ ኤድ ካንታ አተርድባብከሰ፥ ቦድመካ ይርክን ጋይንተን ኤድ ሙድንካንታ ሰጅድባብከሰ ከት ማታ፥

3 ዋተረ ኤና ኮታ እሪ ዳቕቴ፥ ክትምዳክባብኬ ኤእዳክባብ፥ ዋንታ ጎግንም ዋታ ኮተርሰባብኬ ገሰምምሰባብከሰ፥ ዐክዐክ አግርንካንተኬ ዋሄታ ጉርምንካንታ ቆልምሰባቦቴ፥ ጩቤኬ ዳቅል ገቅርካ ዋታ ደቅድባብ፥ ኤዳር ቦሰርምሰባብኬ ክክ ክክከረ ዋጭምድባብ ዐቆቴ።

4 ኬዛር ማቼ ዋንታ ኤልን ሳብታ ላቅምንኬ ሶልማ ጮጫን ክታ አጭርና መያ ማቻንደትካ፥

5 ዋ ፍክሳን ጭለትች ፍክሰንካ ማታክናና ኖይንታ አጭርንካ ዋም አቅሴ፥ ዋም ክት አቅሳንደረ ክላ አጥርታ ሰእርኬ አያን ጭልንጎካ ዐረፈርሳን ኦክሜ።

6 ሳብ እመንባብ ይ ማቻንኦል ዋንታ አቅሰንባብ የሱሰ ክርሰቶሰጎካ ይንታ አያንን በችሶ ዋካንታ እምሴ።

7 ኮመረ ክት ይሳንዳ ክታ ዉች እምንተንካ ጭልምሶቶ ዐድን ጉርምካ ዋ ካርዝድንደትም ሰለንካ ደቅንተን ዋ ተይድንግንዴ።

8 ኮነረ ዶፈን ኬዜ። ሳብካ እሜንምሰባብ ኤድንከሰ ኡርማ ፍክሰካንታ ከት ዳቅተርንግንዳ ኮም ሪ ሙድን ዳቅሰሶ የሰ ከትካንታ ገቀርዝድንግንዳ ዝግድቴ፥ ኮነረ ርና ኡርመከ ዋልቃ ዋልቃ ኤድንካንታ መይድንዴ።

9 ኬዛር ማቼ ዳቕንከሰታ ቤርምንዘንካ፥ አጥርንከሰም ፋይደዘንካ፥ ኤደር ጫንጭዘንካ፥ ሙሴታ ህግንጎካ እምድን ዋጭመዘንካ ጎተርካ፥ ኬና ርንከሰ መይዳክንደትኬ ዉችኩን ማቻን ሪየኬ።

10 ፋሰምም ተይዐድን ኤድ ዋልቃዱት ናንከረ እና ቃሰትምሰ ዱት የሰ ክትም ዘርሳን ቡር ክታዘንካ ጎተርካ።

11 ኮግንዳ ማቸን ኤድና ዶፈንዘንካ ኮተርሰባብኬ ጎመክንባቤ፥ ኖይንታ ማተዘን ፋረጅባብ ማትንተን ኤሰካ።

12 እርጤማሰምናንከረ ቲክቆሰም የዘደር እ
አይድንደትባይካ የና ፈንክ ንቆጽልየናር እዘደር ባይካንታ
ሳነርካ፤ እታ በርግንም ኦ ዋሪ ሰክሰካንታ ገቀርትቴ።

13 ህግንም ኤዘድባብ ዜናሰኬ አጽሎሰካ ከት አይድንግንዳ፤
ከትም ዝግዝድ ሪ ሙደንከረ አሌንም አልካ።

14 ዋንተረ ኤድንከሰ ጉጅሶ አፍካይሳ ከት ነገዳክንግንደኬ
ደቅንትታ ማጠን ሰክሰካንታ ከት ማተርንግንዳ ኡርማ ፍክሰንም
ፍክሰርድንደትም ከት ኤሳ።

15 እንካ ክክን ደቅድባብከሰ ሙደና አቦ የሰም ጋይደኬ፤
አሜንካ ዋንካ ክክን ማድባብ ዋንታ ገርነንከሰ ሙደን አቦ
ከትም ጋይካ።

ሳብታ ዉቓ እምንተና የ ሙደንካ ክክን ማታ።

3:12 ኦይት. ፍ. 20:4፤ ኤፈ. 6:21-22፤ ቆሊ. 4:7-8፤ 2 ጢሞ. 4:12።

3:13 ኦይት. ፍ. 18:24፤ 1 ቆሮ. 16:12።

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab